



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tyrocinium Theologicum

Francolini, Baldassare

Herbipoli, 1710

§. 3. De summa horum Librorum autoritate.

urn:nbn:de:hbz:466:1-39295

§. III.

De summa horum librorum auctoritate, & horum tantum.

Disc. **S**untne omnes prædicti libri Canonici, dictati videlicet ab ipso Spiritu Sancto, & ut tales ab Ecclesia recepti?

68. *Mag.* Omnes illi, quos enumeravi §. I. sunt hujusmodi, ut constat ex Innoc. I. scribente ad Exuperium, ex Concilio Roman. sub Gelasio, & Florentino in Instructione Armenorum, ac tandem ex Tridentino sess. 4.

69. Nec obstat, quod ab Hebræis non haberentur pro canonicis hi quinque libri; nempe Tobiae, Judith, Sapientiae, Ecclesiastici, & Machabæorum, imò nec ab omnibus in veteri Ecclesia. Non enim Canon Hebræorum, sed Ecclesiae facit libros canonicos. Ecclesia autem vetus nondum definierat prædictos omnes libros esse recipiendos, ut à Spiritu Sancto dictatos.

70. *Disc.*

70. *Disc.* At quoniam sic definivit Ecclesia, cur Lutherani negant habendam pro scriptura canonica & Divina Epistolam Pauli ad Hebr. Item epistolam Jacobi, & epistolam Judæ, ac demum Apocalypsim Joannis?

Mag. Ex eâdem causa, qua omnes veteris Testamenti libros rejiciebant Manichæi, aliique Hæretici de quibus S. Aug. in lib. de dono persever. *Scripturas sic accipiunt, ut suo quodam privilegio, imò Sacrilegio, quod volunt, sumant, quod nolunt, rejiciant.* Vide Bellarm. tom. 1. Controversiarum lib. 1. de Verbo Dei.

71. *Disc.* Fueruntne alii libri, præter prædictos, habiti pro canonicis?

Mag. Fuerunt quidem ut tales habiti olim ab aliquibus tertius, & quartus liber Esdræ, tertius, & quartus Machabæorum, psalmus 151. Appendix libri Job, oratio Manasse, & liber Hermetis qui dicitur pastor.

Hæc tamen pro scriptura Canonica nunquam habuit Ecclesia; non enim aliqui soli Ecclesia sunt; modò autem nullus Catholicus ut tales eos recipit, sed eos tantum quos recensuimus cum Tridentino.

72. *Disc.* Qui Canonici sunt, suntne illi ipsi quos Spiritus Sanctus dictavit?

Mag. Utique.

Disc. At quomodo post tot sæcula, post tot Judæorum, qui eos custodiêre, discrimina, vicésque varias, ad nos pervenerunt incorrupti.

Mag. Divinâ Providentiâ id factum fuit. Ut enim hæc efficit, ut apud aliquos semper maneret vera Fides, sempérque in terris maneret vera Ecclesia, sic effecit ut maneret semper vera Fidei doctrina. Hanc autem incorruptæ doctrinæ laudem non omnis Sacrorum librorum editio sibi vendicat, sed quam Ecclesia probavit.

§. IV.